

中華郵政總局特准掛號認爲新聞紙類
中華民國十四年 十一月

京北公報

第二百八十一期

星期六

京兆公報第二百八十一期目錄

◎命令

臨時執政令

本公署令

▲公佈本署政務會議規程令

訓令所屬各機關迅將延欠新舊各報費如數繳解來署文

本公署佈告

▲佈告京兆尹就職日期及豫謀施政方針文

▲佈告嚴禁賄賂及供應饋贈勒索等弊文

本公署訓詞

▲誥諭各縣知事切實注意清慎勤勉盡親民本旨文

▲誥諭各守備隊嚴守紀律以維地

◎公牘

●批示

批薊縣公益聯合會函稟營附劉宗成勒索槍械請查阻文

批王有峯等呈請委勘潮白河界限文

批王有峯等呈爲孫奇等修堤爲名蹂躪人民請懲辦文

批蘇登奎等呈爲河堤殘毀民力難修請欸補助文

●函電

第一號快郵代電宣告就職及治事大綱

京兆尹啓事三則

◎雜錄

●牌示

京兆尹牌示向本公署投遞呈訴狀要則

◎傳知

政務廳傳知本公署辦公時間以重公務



◎命令

臨時政執令 十三年十二月二十日

京
冠威將軍前湖南督軍陸軍上將銜陸軍中將傅良佐智深勇沈兼資文武民國創建宣力共和復辟變作贊舉義旗削平大難國基再奠卓著勳勞比年軫念時艱積憂成疾遽聞溘逝悼惜良深著給治喪費五千圓交陸軍部從優議卹生平事蹟付國史館立傳用酬嘉績而慰忠魂此令

兆
臨時政執令 十三年十二月二十一日

僑務局總裁畢維垣著免本職此令

調任王芝祥爲僑務局總裁此令

公
調任薛篤弼爲京兆尹此令

報
陸軍總長吳光新呈據署察哈爾都統張之江等陳報查辦張垣陸軍第四混成旅譁變事項已將訊供不諱之該旅團長張葆初張華廷營長秦國珍李守忠安玉亭暨携有贓物之變兵分別訊明正法等語此次張家口第四混成旅遽爾肇變統率長官事前既漫無防範事發復不能嚴爲制止貽禍地方殊堪痛恨前察哈爾都統張錫元身膺疆寄約束不嚴已有令免職著仍交部嚴加議處旅長張金標縱兵殃民情罪重大著卽褫奪官勳由各省區通緝解究營

命 令

二

長李華檀林楨田仲濂等在逃未獲應由該署都統張之江查明一併飭令緝獲懲治散亡潰兵並飭分途截堵務獲歸案嚴辦以伸國法其第四混成旅著即撤銷張之江查辦此案尙稱敏速所有善後事宜仍責成該署都統妥爲辦理此令

臨時執政令

十四年一月七日

調任劉之龍爲京師稅務監督此令

任命祝椿年署京兆教育廳廳長此令

本公署令

京兆尹薛篤弼

▲公佈本署政務會議規程令十四年一月十日

茲制定本署政務會議規程公布之此令

京兆尹公署政務會議規程

第一條 本公署爲謀政務進行便利起見於每星期一星期四召集政務廳長財政廳長教育廳長實業廳長暨本署秘書長各科科長各會議一次由京兆尹主席如有特別事項得召集臨時會議

其他職員奉有京兆尹之命令者亦得與議

第二條 會議事件分左列三項

(一)由京兆尹交議者

(二)由各廳廳長本署各科科長秘書長提議者

(三)由各附屬機關請求京兆尹交議者

京

第三條 各科科長及各附屬機關對於本管應與應革事宜得隨時提出會議其他職員有

意見時可具意見書請由各科科長或秘書長提出會議

第四條 議決方法對過半數爲斷可否同數取決於主席

兆

第五條 議決事件先由速記員記錄於二日內編成方案呈

京兆尹核定後批交主管者辦理

第六條 本規程自公布之日施行

公

▲訓令所屬各機關迅將延欠新舊各報費如數繳解來署文 一月十四日

報
查公報印刷需用現款閱報各屬及各機關必須遵章預繳報費以便應付印刷等費迭經本署分別函令遵章繳解在案查茲屆二百六十五期至二百八十八期公報業已出版多次所有工廠印刷各費均由本署設法支應困難異常前曾分別函令迭催乃數月以來毫未遵解近又陰曆年關在邇諸事均待清結合亟再爲令行各機關仰於文到五日內迅將單開延欠新舊各報費如數繳解來署勿稍延忽切切此令

命 令

三

本公署佈告

京兆尹薛篤弼

▲佈告京兆尹就職日期及豫謀施政方針文一月十日
為佈告事本京兆尹新奉

簡命來尹茲邦業經於本月八日就職並通告在案深維才具淺薄性復率直臨事不尙虛飾當官重在實行是以從前作宰陝湘筦財秦豫皆本平日兢業之心勉盡服務公家之義然而在官時日率不甚久既撫字之無術又遷調之不常治事雖抱決心措施多慙未竟茲者恭承明令謬膺鉅艱重以京兆地方屬在畿輔外人具瞻之地向爲首善之區政務之繁斷非迂拙菲才所克勝任惟思唐柳子厚有言凡吏於土者蓋民之役非以役民而已也細繹斯旨卽是國民公僕之義本京兆尹既蒞茲土當官而行察吏安民責無旁貸謹於下車之始豫謀施政之方例如地方軍警如何佈置妥帖乃能保持公安各縣知事如何慎選賢能乃能刷新庶政財政以公開爲主用人以品學爲衡他如力謀教育之普及促進實業之發達統籌貧民生計提倡慈善事業凡茲種種皆在計畫之中不敢絲毫卸責但天下事知之匪艱行之爲艱矧以眇眇之躬德薄能鮮能否一一辦到實難逆料我父老兄弟等田間疾苦望治孔殷上年水災元氣未復軍興而後益病征徭軫念之餘難安寢饋惟有抱此熱誠力圖救贖能收一分之效卽民間多受一分之益我父老兄弟等亦宜各安職業勉爲善良苟有利於地方者本京兆尹

雖不才果有所知定當不避艱苦勉盡職責願我父老兄弟共體斯意特此通告

▲佈告嚴禁賄賂及供應饋贈勒索等弊文一月十日

京
為佈告事傳曰國家之敗由官邪也官之失德寵賂章也古訓昭然足為鑑戒誠以身為官吏
理應廉潔自持况貪贓枉法律有明條與者受者厥罪為均稍知自愛者豈可以明知故昧干
犯刑章即類似賄賂性質之責供應厚饋贈或額外勒索或欺侮愚民以及私自運動巧于鑽
營種種行為均在應行嚴禁之列本京兆尹服官中外百無一能惟自厲廉隅差堪共信既蒞
兆
茲土仍本斯指用以自勉并望所屬官民一體共勉合行佈告仰京兆各屬人民知悉自茲以
後不准有上述各項情事發生如敢故違或經人告發或由本京兆尹查覺定行依法嚴懲決
不姑寬除分行外特此通告

公
本公署訓詞

京兆尹薛篤弼

▲誥誡各縣知事切實注意清慎勤勉盡親民之本旨文一月十日

報
京兆所屬各縣地方重要環拱京畿各縣知事等或初蒞是邦或臨民有素必能潔身自好親
公如私為所總總過慮者近頃以來國家多故上年水災之後復繼以軍興撫字必有所不
遑催科則急如星火民間疾苦可想而知我同人等同在近畿躬與其役見聞所及必較詳明
度必有怒然之懷或同抱如傷之念現在軍務粗定大局漸寧即宜振刷精神力圖補救凡關

於地方幸福人民樂利種種事項亟應激發天良隨時着手整理總之既爲親民官吏卽當認
定題目切實做去而大要不外以清慎勤三字爲親民之本惜此則爲平日服官之明效不
敢不爲各同人勸勉者也如或視爲常談等之迂論其人必漠視民隱百務廢弛甚至貪汙取
度假公濟私此種行爲實與親民二字相去太遠爲如有所聞或別經發覺國法具在決難
姑容願我同人等熟籌而奮起也

▲誥誡各守備隊嚴守紀律以維地方治安文一月十日

守備隊以保護地方戒備不虞爲職責迺者四郊搶劫之案時有所聞甚至城廂重要之地市
塵繁盛之區警報頻傳輒成重案雖因兵興以來軍隊複雜奸人混跡不易爬梳惟本署負有
地面之責無論有無事故均應嚴密綢繆行使此種職權實爲警備隊是賴現查警備司令部
保安司令部以及四路司令軍警林立布置不爲不周究竟其中內容如何一時尙未知曉惟
念警隊之設第一以安民爲先安民之道第一以嚴守紀律爲先各該隊長暨員司人等平日
訓練有素度必能深體茲意以維治安倘其紀律不嚴不遵約束遇有警報不能奮勇護持或
在平時偶向民間滋擾本京兆尹一有所聞或查明屬實卽當以軍法從事本京兆尹出入行
間十有餘年奔走四方服官行政所至之處言出法隨深望各隊長隊員交相勸勉并轉告屬
下凜遵毋忽

◎公牘

◎批示

批薊縣公益聯合會函稟營附劉宗成向五六區勒索槍械請查阻文一月十日
呈悉已據情轉令該縣知事迅予查復再行核辦仰卽知照此批

批王有峯等呈請委勘潮白河界限文一月十日

呈及河圖均悉仰候令行三河香河寶坻縣知事詳細勘查以解糾紛此批

批王有峯等呈爲孫奇等修堤爲名蹂躪人民請懲辦文一月十日

據呈已悉該代表等所稱各節是否屬實仰候令行三河縣寶坻縣知事確實查復再行核辦
此批

批蘇登奎等呈爲河堤殘毀民力難修請欸補助文一月十日

呈及河圖均悉查呈稱各節固屬實情惟值此庫欸空虛之際實無的欸補助一俟籌有賑欸
再行撥助此批

◎函電

第一號快郵代電宣告就職及治事大綱

京兆尹薛篤弼

京兆各法團各機關均鑒上年十二月三十一日奉

臨時執政令調任薛篤弼爲京兆尹此令等因奉此祇聆之餘莫名惶悚誠以京兆地方屬在畿輔外人具瞻之地向爲首善之區政務之繁過於省會爲弼前雖三作宰官兩主計政然而從公未逾三載服政實鮮片長而最近佐理司法內務兩部亦不過循繩守墨少所建白追維往昔慚慙滋深茲復恭承

第 二 百 八 十 一 期

明令謬膺艱鉅汲深綆短益切水兢惟思唐柳子厚有言凡吏於土者蓋民之役非以役民而已也細釋其指即國民公僕之義以爲弼之愚忝居要職隕越時虞察吏保民責無旁貸謹就小己之謬見預定治事之大綱(1)當安置軍警以保持地方之安寧(2)當慎選縣令以刷新地方之庶政(3)財政一主公開開源與節流并重(4)用人無分畛域才學與品德兼衡(5)力謀教育普及(6)促進實業發達(7)統籌貧民生計(8)提倡慈善事業凡斯八項皆爲弼所擬定方針私自策勵者也但天下事知之匪艱行之維艱矧以眇眇之身德薄能鮮苟非藉助于賢士大夫之熱誠指導暨各僚友之極力贊襄而且假以時日次第施行斷難奏效於什一昔太公三月而報政孔子三年而有成爲弼雖不肖不敢不勉所望地方薦紳先生賢豪長者本桑梓之敬恭願

周行以示我爲弼無不虛心采納酌予實行庶幾官民無隔閡之憂而要政可從容而理矣忠誠自矢謹此宣言京兆尹薛篤弼灰印

京兆尹啓事三則

(一)篤躬叨承 明令謬膺京尹時切綆短汲深之懼每懷求賢若渴之思就任伊始萬端待理用人惟求熟練行政不尙紛更所有 親知朋好推轂薦賢果有實學異材自當徐圖研訪惟是局面狹小位置無多雖效吐握之有心每苦廣廈之無術或有遠道相依亦恐空往往返統陳歉仄尙希 鑒原

(二)篤躬生性慙拙不善應酬就任伊始百端待理所有僚屬凡在辦公時間曾以酒食酬勞爲戒自應以身作則不敢以私廢公如承午間見招概從婉謝至於 辱臨賀任尤屬愧之克當冗務羈身一時未能答拜知交朋好共希 鑒原

(三)篤躬就任伊始百務蠅集諸待整理 高軒枉過接待難周茲定每週星期二星期四六下午二時至四時爲會客時間 諸公見訪自當拱候定時以外不敢奉迎如有關本署特別要事見商者請先函約以便定期晤 教統希 鑒原爲幸

◎雜錄

◎牌示

京兆尹牌示向本署投遞呈訴狀要則

京兆尹薛篤躬

爲牌示事照得誣告反坐律有明條匿名許私風不可長本京兆尹爲妨狹嫌誣控起見嗣後

凡向本署投遞呈訴狀須具備後列三要點否則概不受理此示

- (一) 告訴人於訴件上須書自己姓名並加蓋名章
- (二) 現年若干歲何項職業暨現居址
- (三) 訴呈上須蓋有鋪保戳記

● 傳 知

政務廳傳知本署辦公時間以重公務

政務廳長陳際翔

政務廳爲傳知事奉

尹憲諭本署辦公時間亟應改定以昭慎重茲定於本月十日爲始凡屬本署全體職員每日從上午十時起到署辦公至下午五時止散值不得遲到早返有妨公務此傳